



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Omnes declinauerunt, simul inutiles facti sunt, non est qui faciat bonum,
non est usque ad unum.

urn:nbn:de:hbz:466:1-37005

Omnes declinauerunt, simul inutiles facti sunt, non est qui faciat bonum, non est usque ad unum.

Quantis ecce superfluis uerbis inonat, ut oēs homines inuoluat & neminē excipiat. Primo, omnes ait, Deinde, simul, Tertio, non est etiam unus. Est autem ad uerbū, simul, hebraismus, quo multitudinem in unam collectam significat, ut psal. xij. c. Cuius participatio eius in idipsum, id est, Hierusalem associatur ei simul cum omnibus qui in ea sunt. Et psal. xxx. Exaltatus non est in eis, id est, omnes in unum sumpti. Et respectum Prophetæ obseruare oportet, qui inter homines uidebat alios quidem uideri recte incedere, deo appropinquare, utiles esse, bona facere, ut speciosos iusticiarios operarios legis, qui a uulgo manifesta ratio peccatorum, Pharisei, id est separati & separata longeque dissimili uita & morum cōsuetudine insignes censent. Propter hos peccatis feliciter inuoluat & reos faciat, seu, ut Apostolus ait, ut omne os obstruatur, & obnoxius fiat omnis immundus deo, qui nimis infeliciter sese explicuerunt, ne fœdis titulis declinandi, inutilitatis, non facti boni, communicare uiderentur.

Tria dicit: Declinauerunt omnes, inutiles facti sunt, non faciunt bonum. Declinatio pertinet ad impietatem, seu incredulitatem, quæ fons & caput est malorum: Sicut e contra, pietas, seu fides est initium bonorum, quæ ad deum propinquamus: Oportet enim accedentem ad deum credere, ut dicit Apostolus, Heb. xi. Atque quod hic, declinantibus tribuit, seu recedentibus, seu discedentibus (est enim idem hoc loco uerbum, quod psalmo. vj. Discedite a me & c.) superius insipientibus dedit, dicentibus in corde suo: Non est deus. Declinare enim a deo & dicere in corde, non esse deum, idem sunt, scilicet, non credere. Sic, Heb. iij. Videte fratres, ne forte sit in aliquo uestrum cor incredulitatis, discedendi a deo uiuo. Et hanc fidei defectum in Ecclesia futurum, uideatur Apostolus. ij. Thessal. ij. appellare Apostasiam, dicens: Nisi primum uenerit discessio seu defectio (id est, Apostasia), Fidei in christo, non Romani imperij de fidei Iesu Christo, hominum operibus Ecclesia uastabitur: sed & ipse seipsum exponit. i. Timo. iij. Spiritus manifeste dicit, quod in nouissimis temporibus discedent quidam a fide, attendentes spiritibus erroneis, & doctrinis dæmoniorum in hypocritis loquentium mendacium, & cauteriatam habentium suam percipiendum cum gratiarum actione fidelibus. Dura uerba, aspera sententiæ in Romanarum legum tyrannidem, quam suis coloribus graphice depingit.

Omnes autem declinasse dicit, ut eos quoque inuoluat, qui maxime propinquare deo uidentur. Sicut & Apostolus. ij. Timo. iij. inuoluit eos, qui speiem pietatis habent, & uirtutem eius abnegant, cum superbis, blasphemis & cæteris, quos in nouissimis periculosisque temporibus futuros prædicat: Immo propter hos hypocritas (ut dixi) omnia potissimum dicuntur hoc psalmo, quod ij, qui manifeste peccat, minus noxi sint, quæ hypocritæ isti, cum specie sua, qui nihil eorum ad se pertinere, tum ipsi credunt, tum alijs perniciose persuadent, quæ de malis & impijs dicuntur,

Peccatis feliciter inuoluit omnes.

Declinatio.

Nisi primum uenerit discessio, optime hic exponitur.

Notent hæc hypocritæ.

C c Simul inutiles

Simul inutiles facti sunt, Eadem sententia est, quam supra dixit: Con-
perunt & ab ominata fecerunt studia sua. Id quod pertinet ad mores & opera
apostatarum, seu declinantium, quid enim impius & infidelis faciat, nisi in-
le, abominabile, corruptum & putridum in oculis dei, licet in oculis hominum
omnia utilia & bona uideantur: Sic Isaia. lix. Tela eorum non erunt in uesti-
mentum, neque operientur operibus suis, opera eorum, opera inutilia, & opera
iniquitatis in manibus eorum. Et iterum addit, simul, ut utranque hominum
impiorum turbam comprehendat; eorum, scilicet, qui manifestis peccatis imple-
tatem cordis produnt, & eorum qui bona specie impietatem uestiant, ut etiam
tes in uestimentis ouium, intus lupi rapaces.

*Turba du-
plex hominū
impiorum.*

*Nullus facit
bonum.*

Non est qui faciat bonum, non est usque ad unum. Quo arguit eorum omissi-
onem, ut qui non tantum mala faciant & increduli sint, sed etiam nunquam bona
faciant & nunquam pii sint, ut sic per affirmationem malorum & negationem
bonorum, absolute & penitus comprehendat omnes esse peccatores, filios ho-
minum. Nam quod & hic addit, non est usque ad unum, uniuersalem negati-
uam facit, sicut in prioribus duobus uniuersalem affirmatiuam, iterum pro-
pter hypocritas, ne putent sese bona facere, praeter ceteris manifeste malis, nullus
(inquit) eorum facit bonum, id est, nullus eorum habet fidem & bona opera,
sed aut mala manifeste, aut tantum specie. Proinde quando spiritus, tanta uer-
borum uel, affirmationes & negationes componat, & uniuersaliter omnes pro-
nunciet, esse malos & non bonos, Mirum est, qua subtilitate Neutralis illa
Neutralis Aristotelis Theologia per medium affirmationis & negationis uniuersalium
Theologia. reperere queat, & sic elabi, ut libere audeat spiritui contra pugnare, & dicere:
Non oia sunt mala hominum opera, sed quaedam sunt bona, licet haec omnia sine
non meritoria, seu nec meritoria nec demeritoria. Verum oportet scripturam
esse signum cui contradicatur & aquam contradictionis, iuxta quam iurgan-
tibus filiis Israel, iudices & electi Israel absorbeantur:

Haec tria Paulus Tit. j. breuibus sic explicat: Cum sint abominati & incre-
dibiles & ad omne opus bonum reprobī. Abominati hic inutiles putridi &
corrupti dicuntur: incredibiles, seu inobedientes, hic declinantes, seu receden-
tes, impij & infideles; Reprobī uero ad omne opus bonum, hic non facere ul-
lum bonum, dicuntur. Confitentur tamen se nosse deum, factis autem negant,
in quo hypocritas pariter inuoluit, sicut & hoc loco psal. facit.

lam uide, quod eadem tria repetita sunt, hoc tertio uersu, quae primo di-
cta sunt, sed hoc interest, quod primo uersu suam sententiam Propheta profert,
Tertio confirmat eam, sententia diuina, quae non modo secum concordat,
sed etiam latius & uniuersaliter loquitur, quod idem scilicet de caelo dominus,
quod ipse in terra uiderit. Hinc Apostolus Roma. iij. solum adducit id quod
dominum de caelo prospexisse & desinisse Propheta dicit, quod & magis
ad institutum Pauli faciebat, qui uniuersaliter omnes & omnium opera
sub peccato comprehendere proposuerat, ut humiliati gratiam necessariam
agnoscerent.

Sepulchrum patens est guttur eorum, linguis suis dolose agebant,
uenum aspidum sub labijs eorum.

Quorum os